

* * * * *

ტ. ტაბიძის „ცისფერი ყანწება“-ს გამო

„რა არის „სიმბოლიზმი“ — კითხულობს გაურმონი.... მას შეუძლია აღნიშვნა იდეათა მთელი რიგის: ინდივიდუალიზმი ლიტერატურაში, შემოქმედების თავისუფლება, დასწავლილი ფორმულების უარისყოფა, ლტოლვა ყოველივე არაჩვეულებრივისაღმი, უცნაურისაღმიც კი. ის ნიშნავს კიდევ იდეალიზმს, სოციალური რიგის ფაქტების უგულებელყოფას, ანტინატურალიზმს, ტენდენციას, მიმართულს იქით, რაც არის ცხოვრებაში დამახასიათებელი, ტენდენციას მხოლოდ იმ ხაზების გადმოცემისას, რომელნიც ერთ ადამიანს მეორისგან ასხვავებს, სურვილს დაიჭირო ის, რაც არსებითაა“.

„სიმბოლიზმი როგორც შეოლა, და არა როგორც მეთოდი“.

„სიმბოლიზმი ჩეენში შემოიტანა გრ. ობაქიძემ“.

„ქართველ ხალხს უყვარს ნიღაბი, სიმბოლიზმი სწორედ ფილოსოფიაა ამ ნიღაბის და ამიტომ სიმბოლიზმი ჩეენში აუცილებელია“.

„ნაციონალური აპერცეპციის ძალით ერთ ითვისებს იმას, რაც მის ერთვნულ თავისებურებას ეგუება, რასაც იმასთან ახლობელი გავშირი აქვს. სიმბოლიზმს ამ შემთხვევაში ბევრი შეუძლია მოუტანოს ქართველ ერს. პირველ ყოვლისა, ჩვენში დავიწყებულია სიტყვა“.

„სიმბოლიზმის, როგორც ფორმის გაღმერთების გაგება, როგორც პრიმატი „როგორის“, „რაზე“ — გაუგებრიობაა. ამგვარი

ლასზა საკითხის შიულებელია, რადგან იგი გელისხმობს განცალკევებს იქ, სადაც კონკრეტულად არსებობს მხოლოდ ერთიანობა, მაგრამ ფორმას უნდა მიექცეს დიდი უურადლება“...

სიმბოლიზმი, როგორც შეოლა „ყანწებამდი“ ჩვენში არ არსებობდა.

„რასაკვირველია, რომ საქართველოში სიმბოლიზმი გამოდის შაშინ, როდესაც ის სხვაგან მებრძოლი შეოლიდან უკვე შეიქნა აყაღებიური, რომ მისი მწუხრი იგრძნეს თვითონ ეპიგონებმა, და ახლა გამოდის ახალი შეოლა ფუტურიზმის.“

„ცისფერი ყანწები“ სიმბოლიურად ნიშნავენ ჭეშმარიტ შოთავალებრივობას. „ცისფერი“ ფერია რომანტიზმის, მისი ემბლემა; ნოვალისმა გამოიჭირა მისტიკა ცისფერი ყვავილის, ეს ყვავილი ატიტუდაა არჩეული სულის შორეულ ნათელ ქვეყანაზე. ფილოსოფიურმა იდეალიზმმა იმაში ნახა გამოსავალი, საქართველოში „ცისფერ ყვავილს“ ღერო წითელი რომ ქონდა. ქართველებისათვის კა და მიწა სამუდამოდ არასდროს არ გაყრილან“.

„ჩვენ სული უსხეულოდ ვირ წარმოგვედგინა, და სხეული კადა უსულოდ“. ინდივიდუალიზმი, თავისუფლება შემოქმედების, ხელოვნების თვითმიზნობა, რომელსაც დღეს ქადაგებს ეს შეოლა (სიმბოლიზმი), საქართველოსთვის არ არის ახალი.

მხატვრობის უმთავრესი მიზანი იყო და არის ბუნების შეგნება შემოქმედების საშუალებით. მხატვრები ყოველთვის თავის ფორმას ბუნებაში ეძებდნ. ბუნების შეგნება შეიძლება სხვადასხვა სახით და ფორმით. ამ მიზანით მხატვრობაში იბადება სხვადასხვა მხატვრული პრინციპები და მიმართულებანი.

მხატვრული პრინციპი მხატვრისათვის არის მხოლოდ საშუალება ბუნების შეგნებისათვის, მიზანი კი ბუნების შეგნება. ეს არის მხატვრობის ნამდგილი გზა. მაგრამ თუკი მხატვრი მიზნად დაისხავს პრინციპის განმტკიცებას, ის მხატვრობას არ ემსახურება, მას ღალატობს.

აგრეთვე ათეული წელიწადია რაც მხატვრობა განიცალის კრიზისს, მაგრამ ამ კრიზისმა განსაკუთრებული სახე მიიღო ეგრეთ წოდებულ „ფუტურიზმის“ დროს. როგორც ჩანს, ფუტურიზმით იწურება ეს დიდი ხნის კრიზისი და მხატვრობა მის შემდეგ მონახავს გამოსავალ გზას. ფუტურიზმმა დაბადა ის არანორ-

შალური მოვლენა, როდესაც მხატვრობის მიზნად გახდა რომელიმე პრინციპის განმტკიცება, ბუნების შეგნება კი, ეს თავი მიზანი მხატვრობისა, სრულებით დაიწყებული დარჩა. პიკასოს და ბრაკის მიერ მონაპოვარნი ჩაედგა მკვიდრ საფუძვლად ფუტურიზმს, მათი მიზანი იყო ბუნების შეგნება მხატვრობის სხვადასხვა საშუალებით. პიკასო ამ საშუალებების ძიებაში ძლიერ შორს წავიდა. რომ ფორმის შეგნებას უფრო დაახლოვებულიყო, ის ფერადების და მოხატვულობის გარდა სხვა საშუალებებს ხმარობდა. მან შეიტანა მხატვრობაში თვით რეალური ფორმის, მატერიალური ნივთიერების ხმარება. პიკასოს და ბრაკის არ უდალატიათ მხატვრულ უმთავრეს მიზნის, ბუნების შეგნებისათვის. პიკასო ნამდვილი ნატურალისტია ამ სიტყვის ნამდვილი მნიშვნელობით. მაგრამ პიკასო, როგორც თანამედროვე უდიდესი მხატვარი, ნოვატორი, პროფანებისათვის გაუგებარი დარჩა. სწორედ ამ გაუგებრობამ მიაწერა პიკასოს მხატვრობას მისტიციზმი, უმთავრეს მისი შემოქმედების სახეს დემონიზმი. უბედურებაც იმაშია, რომ ჩვენ ღრმუში პროფანებს და დილეტანტს ფასი აქვთ და მათი აზრი საზოგადოებაში უეხს იყიდებს.

სხვადასხვა ჭურის მხატვრებმა დაიწყეს პიკასოს და ბრაკის მონაპოვართა „გალრმაჟება“ და თამაშობდნენ შხატვრობის მოღალატენის როლს. ამ მხატვრებმა თავის მიზნად უკვე გაიხადეს რომელიმე თავის გამოვონილი პრინციპის განმტკიცება. ახალ მიმართულებაში ერთმანეთს ეჯიბრებოდნენ და ყოველ მხატვარს აღმოუჩნდა თავისი მხატვრული მიმართულება. შეიქმნა დიდი გაუგებრობა. დადგა დიდად ხელსაყრელი დრო პროფანებისათვის და დილეტანტებისათვის. საქმარისი იყო რომელიმე ახალი „პრინციპის“ ან მიმართულების გამოგონება „იზმით“ დამთავრებულის, რომ თავისი თავი მხატვრად გაესალებინათ. ეს ძლიერ აღვილი საქმე პროფანებს უწევდა დიდ საქმეს. ავიწყდებოდათ რომ მხატვარის მიმართულებას სახელი — „იზმით“ დაბოლოვებული — კი არა ქმნის, არამედ თვით მხატვრული ნაწარმოები.

ამ არანორმალურმა მოვლენამ განსაკუთრებით თავი იჩინა რესერვი. არსად არ ყოფილა პიკასო-ბრაკი ისე გაუგებარი; როგორც რუსეთში. დამახასიათებელია რუსეთის მხატვრებისათვის, რომ ყოველ მხატვრულ მოვლენას მხოლოდ გარეგნულად ითვი-

სებენ და ძლიერ დაგვიანებით. ფუტურიზმისაც აგრე დაემართა. პიქასო-ბრაკის პრინციპების გაუგებრობას ის მოჰყვა, რომ შეიქმნა თითქმის იმდენი მხატვრული მიმართულება სხვადასხვა „იზმებით“ დაბოლოებული, რამდენიც მხატვარი აღმოჩნდა. მხატვრებში მიზნათ გითხადეს ახალი მიმართულებების აღმოჩენა. ამ მიზეზით მხატვრობაში შეიპარა იმისთანა პირები, რომელთაც არავითარი სერთო არა აქცი მხატვრობასთან.

ადამიანის ცხოვრების ყოველთვის გამართლება უნდა. თუკი ცხოვრება გამართლებული არ არის, მაშინ ის უარყოფილია. ამბობენ, რომ თანამედროვე ცხოვრებას გამართლება კი არა, დაუწვა, დადაგვა სჭირდება: ეს გაუგებრობაა. ცხოვრების მოსპობა ხომ მისი უარყოფაა, ადამიანი კი სიცოცხლისაკენ და სიხარულისაკენ უნდა ისტრაფვილეს და არა სიკვდილისაკენ.

ადამიანის ცხოვრების გამართლება შემდეგ ფორმებში ისახება: რელიგიაში, ფილოსოფიაში, მეცნიერებაში და ხელოვნებაში. წარსული კაცობრობის ცხოვრება რელიგიაში ნახულობდა თავის გამართლებას. ჩევნის დროში კი რელიგია უკვე თანდათან კარგავს თავის დანიშნულებას და მას უკვე არ შეუძლია იქნეს ცხოვრების მიზნად. ვერც თანამედროვე მეცნიერება და ფილოსოფია ვერ იქნება ჩევნი ცხოვრების მიზანი, რადგან მეცნიერება ეხლა დგება მკვიდრ საფუძველზე, მისი დიადობა მომავალშია.

თანამედროვე ცხოვრების გამართლება ხელოვნებაში უნდა ვეძიოთ, რადგან მას აქვს ამის საშუალებაც. ბუნების შეგნების საუკეთესო საშუალებად ხელოვნება უნდა ჩაითვალოს. ხელოვნების შემოქმედებითი ფორმა ჩვენ გვაგებინებს ბუნების სიდიადეს, მას აზრს და მას თვისებას. ხელოვნებაში ადამიანი აღწევს თვისი ბუნების შეგნებას, სულის სიძლიერეს, სიცხოველეს და სიხარულს. ამიტომ ხელოვნებისადმი სიყვარული ჩვენ ცხოვრების საშეალებას გვაძლევს.

ხელოვნება ისახება შემოქმედების ფორმაში, ხოლო შემოქმედების ფორმის სახე დამოკიდებულია იმაზედ, თუ როგორი მხატვრული პრინციპით მიუვალთ ჩვენ ბუნების შეგნებას. ეს მხატვრული პრინციპი კი მსოლოდ მხატვრობაში პოლიობს თავის გარეულ სახეს. ამ მხრივ, ხელოვნების სხვადასხვა დარგებში, მხატვრობის უკავია მოწინავე ადგილი. გავიხსენოთ მხატვრული ფორ-

მის ზრდის ისტორია და ჩვენ ამაში დაცულმუნდებით. წარსული საუკუნის მხატვრული ფორმის სახე ჯერ მხატვრობამ შექმნა და შემდგეგ სხვა ხელოვნების დარგებიც ამ ფორმის ფარგლებში ქმნიდა თავის სახეს. XIX საუკუნის მხატვრული ფორმები — იმპრესიონიზმიდან დაწყებული, ვიდრე ფუტურიზმამდე — ჯერ მხატვრობაში პოულობრდნენ თავის სახეს. მართალია, რომ ახალი მხატვრული ფორმის შემქმნელი ყოველთვის პიროვნებაა და, ამიტომაც ჩვენთვის მნიშვნელოვანია ორა რომელიმე მიმართულების სახელი „იზშით“ დაბოლოვებული, არამედ თვით ამ მხატვრული ფორმის შემქმნელი სული. ამ მიზეზით ჩვენთვის ღაუვიწყარი და სანატრელი არიან ის პირები, რომელთა შემოქმედება დამთავრებულ მხატვრულ ფორმას იძლეოდა.

თანამედროვე ხალხოსნური ხელოვნების ღამფუძნებელი, გარდა მხატვრობისა — მწერლობაა, რადგან მწერლობა თავისი ფორმით ამ მიზანს აღვილად უწევს სამსახურს. სიტყვა, როგორც ისეთი, დიდად მნიშვნელოვანი მოვლენაა ადამიანის ბუნების შეგნებისათვის. პოეზია კვაძლევს ჩვენ სიტყვის არსებით მნიშვნელობას, მის სიდიადეს, მის აზრს. თანამედროვე პოეზია წმინდა თავის მიზნებს უნდა ემსახურებოდეს და როდესაც ჩვენ ის დაგვანახებს სიტყვის დიალობას, მის ბუნებას, მაშინ პოეზიის აზრიც გაგებული იქნება.

თუკი პოეზია სიტყვის თვისებაზეა აგებული, მაშინ მხატვრობა ფერადობის, ხაზულობის და ფორმის თვისებების შედევრია. მხატვრობა ისახება ფერადების სიძლიერის შევნებაში, მათი თვისებების გაგებაში, ხაზულობის არსებითი მნიშვნელობის და შემაღებელი ნაწილების შევნებაში. ამიტომაც მხატვრობა თავის ფორმას ბუნების სახიდან ქმნის და მისი პირდაპირი მიზანი ბუნების უშუალოდ შეგნებაა. მხატვრობა ყოველთვის ბუნების ფორმიდან გამოდიოდა და, თუკი თავის პირდაპირ მიზანს — ბუნების შევნებას — უხვევდა, ის მაშინ კარგადა თავის სახესაც. გამოჩენილმა ფრანგმა მხატვარმა პიერსომ ეს ჩვენ უკვე დაგვანახა. ამიტომ ეგრედ წოდებული ფუტურიზმის უკიდურესმა განვითარებამ, ჩვენ მოგვცა მხატვრობის უარყოფითი ფორმა. პოეზიაშიც ფუტურიზმი ამავე სახით ისახება — მან პოეზია უარყო. და ჩვენ სრულებით უნდა დაგეთანხმოთ ერთი ჩვენი თანამემამულე პოეტის აზრს, რომ

ფუტურიზმი ეკუთვნის ცხოვრების კატეგორიას და არა ხელოვნების რიგს.

რადგანაც მხატვრობა ბუნების ფორმის შეგნებიდან გამოდის და მისი სახე ფერადობის, ხაზულობის და ფორმის ფარგლებშია, ამიტომ მხატვრობის დასაბამი აღმიანის მხედველობის თვეისებიან იწყება. შეიძლება ვთქვათ, რომ არსებობს ორნაირი მხედველობა: ერთი ჩვეულებრივი და მეორე მხატვრული მხედველობა. მხატვრული მხედველობა იმით განირჩევა ჩვეულებრივი მხედველობისაგან, რომ პირველის საშუალებით ჩვენ ვაღწევთ ფორმის შინაგან მხარეს და ვხედავთ არა თუ მარტო ფორმის გარევნულ თვისებებს, არამედ ვცნობთ მის შინაგან თვისებებსაც. მხატვრული მხედველობის საშუალებით ჩვენ ვუაძლოვდებით ბუნებას, და ამავე ღროს ხელოვნების არსებასაც. მისი საშუალებით ჩვენ ბუნების საიდუმლოების კარებს ვხსნით, რომლის იქით მუდმივი სიცოცხლის წყარო იწყება.

ყოველი აღმიანის სული ისახება როგორც ჩვეულებრივი, ისე მხატვრული მხედველობით. ხოლო მხატვარი ხასიათდება მხატვრული მხედველობის დიდი განვითარებით. მხატვრის მხატვრული მხედველობის თვისებაზედაა დამოკიდებული მისი შემოქმედებითი სახე. დამთავრებული მხატვრული ფორმის შემქმნელი აუცილებლად აღჭურვილი არის სრული მხატვრული მხედველობით. სწორედ მხატვრობის მნიშვნელობა იმაშია, რომ მას იქვე საშუალება დაგვანახოს ბუნების საიდუმლოება მხედველობის საშუალებით. ფერადების საიდუმლოება მათ სიძლიერეშია, ხაზულობის საიდუმლოება — მის ერთმანეთში დაკავშირებაშია და ფორმის სიდიდე — მისი სიბრტყეების შეთანხმებაშია.

რადგან მხედველობა აღმიანის ერთაგანი თვისებაა, ამიტომ მხატვრობას აღმიანის სულის ამაღლებისათვის მეტად დიდი მნიშვნელობა იქვე. თუკი ჩვენ ვეცდებით განვავითაროთ ჩვენში, გარდა ჩვეულებრივი მხედველობისა, მხატვრული მხედველობაც, მაშინ ჩვენ ხელოვნების საიდუმლოებას დაუუახლოვდებით. თანამედროვე ხალხოსნური მხატვრობა სწორედ ამ მხატვრული მხედველობის განვითარების შედეგი უნდა იქნეს, თანამედროვე მხატვრობის ზოგი მონაპოვარნი სწორედ ამ მხატვრული მხედველობის არაჩვეულებრივი განვითარების მიზნზია.

ამრიგად, ჩვენი ცნოვრების გამართლება ხელოვნებაში უნდა ვეძიოთ, რადგან ახლა იმისთანა პირობებში ვცნოვრობთ, როდე-საც მხატვრული ფორმის დიადობას უნდა ველოდეთ.

თანამედროვე სახე ფართო ხალხოსნური უნდა იქნეს. რადგან ხელოვნების სხვადასხვა დარგებში მხატვრობას, როგორც მხატვ-რული პრინციპის დამფუძნებელს, მოწინავე ადგილი უდავია, ამი-ტომ მას ჩვენ დროში განსაკუთრებული სახე უნდა მიეცეს. მხატვ-რობის პირდაპირი მიზანია, ბუნების უშუალოდ შეგნება და თავის სახეს ის ბუნების ფორმიდან იძენს. მისი შემოქმედებითი ფორმა დამოკიდებულია ადამიანის მხედველობის თვისებაზე. ამიტომ, თუ ჩვენ გვიჩდა შევიგნოთ ხელოვნების დიადობა, გავიგოთ ბუნების ფორმის საიდუმლოება და დავინახოთ მისი სილამაზე და სიცოცხ-ლე, საჭიროა განვავითაროთ ჩვენში მხატვრული მხედველობის თვისება. მხატვრობის (ფერადობის, ხაზულობის და ფორმის) შეგ-ნება და პოეზიის (სიტყვის) გაგება აამაღლებს ჩვენს სულს.